



Årsrapport 2016



**Kompetansesenter i lindrande
behandling Helseregion Vest**



Våre kjerneverdiar:

**Kompetanse
Samarbeid
Respekt
Engasjement**

Kompetansesenter i lindrande behandling Helseregion Vest (KLB) er eit ressurscenter for alle som arbeider med lindrande behandling og omsorg ved livets slutt i regionen vår.

Målsettinga for senteret er å fremme palliasjon i heile Helseregion Vest ved å styrke kompetanse bygd på eit heilskapleg menneskesyn og gode fagkunnskapar.

Nettverksarbeid

Nettverk i kreftomsorg og lindrande behandling er ei viktig satsing for KLB. Alle kommunar og sjukehus i regionen, fleire høgskolar, Kreftforeningen og Kreft-omsorg Rogaland deltar i nettverkssamarbeidet. Ved utgangen av 2016 omfatta nettverka 445 sjukepleiarar og 108 fysioterapeutar og ergoterapeutar, fordelt på 25 lokale nettverksgrupper. Målet med nettverka er kompetanseheving og samhandling slik at pasientar og pårørande opplever tryggleik og får tenester av god kvalitet.

Kompetansesenteret har god kontakt med dei palliative teama i sjukehus i Helseregion Vest. Vi følger opp kommunar som har prosjekt innan lindrande behandling og vi driftar PallReg.no, eit nasjonalt, webbasert register over palliative verksemder.

Undervisning, rådgiving og formidling

KLB driv undervisning både gjennom nettverka, på universitet og høgskolar og ved innlegg på kurs og konferansar. I 2016 hadde vi 291 undervisingstimar i kompetansenettverka og 227 timar utanom nettverka, for i alt ca 5600 delta-karar.

Kompetansesenteret sitt kontor på Haukeland universitetssjukehus svarte i 2016 på 1222 førespurnader.

I september 2016 vart den 14. landskonferansen i palliasjon arrangert i Stavanger. KLB var ein av arrangørane for dette vellukka arrangementet, som samla 635 helsearbeidarar frå heile Noreg. Denne konferansen markerte og KLB sitt 15-årsjubileum.

I oktober 2016 vart Verdsdagen for lindrande behandling markert i alle føretaksområda i Helseregion Vest.

Livets siste dagar – plan for lindring i livets sluttfase

KLB har ein eigen nettverkskoordinator for "Livets siste dagar — plan for lindring i livets sluttfase". Denne planen vert nytta i over 400 verksemder over heile landet. Nettverkskoordinator gir opplæring og støtte til dei som bruker planen.

I 2016 vart ein kunnskapsbasert prosedyre for implementering og bruk av "Livets siste dagar" publisert på Helsebiblioteket sin nettside.

Nettsider og brosjyrar

Nettsidene til KLB er blant dei best besøkte i Helse Bergen. Sidene er lagt til rette for nettbrett og smarttelefonar. Særleg har sidene om praktisk palliasjon, nettverk og symptomlindring til døyande mange treff. Det er stor etterspurnad etter brosjyremateriell frå senteret, særleg mapper til etterlatne. Mappene er gratis for brukarar i Helseregion Vest.



Forsking og fagutvikling

Kompetansesenteret skal bidra til utvikling av planar og retningslinjer. I 2016 har tilsette frå KLB deltatt i fleire nasjonale og internasjonale arbeidsgrupper og vore med på utarbeiding av retningslinjer, mellom anna for fysioterapi ved kreft. Vi deltar i regionale, nasjonale og internasjonale forskingsprosjekt. Ei viktig sat-sing er prosjektet PALLiON om integrering av onkologi og palliasjon, der to sjuke-hus i regionen vår er med. I 2016 har KLB fått tildelt middel til ein internasjonal studie om omsorg til døyande, vurdert frå pårørande sin ståstad. Dette prosjektet vert eit samarbeid mellom fire land i Europa og tre i Sør-Amerika.

KLB har sidan sommaren 2015 hatt eit prosjekt om kompetanseheving til tilsette i bufellesskap for personar med psykisk utviklingshemming. Dette er eit samarbeid med Utviklingssenter for sykehjem og hjemmetjenester i Hordaland og Etat for tjenester til utviklingshemmede i Bergen kommune. Prosjektet får støtte frå Hel-sedirektoratet.

Tema for prosjekt

Kompetansesenteret hadde i 2016 prosjektarbeid på desse områda:

- Kartlegging av smerte og symptom
- Symptomlindring
- Kvalitetsindikatorar
- Ivaretaking av døyande og deira pårørande
- Førebuande kommunikasjon (Advance Care Planning)
- Integrering av palliasjon og onkologi
- Metodikk i palliativ forsking
- Organisering
- Kompetanseheving



Publikasjonslista for 2016 er med i den utvida årsrapporten som er publisert på nettsidene



Tilsette i KLB hausten 2016

Stab

Kompetansesenteret hadde i 2016 6,7 årsverk fordele på ein tverrfagleg stab av 23 tilsette. Sju tilsette arbeider i den sentrale eininga på Haukeland universitetssjukehus, dei andre er deltidstilsette som i si hovudstilling arbeider med lindrande behandling i sjukehus og kommunar i regionen.



Kompetansesenter i lindrande behandling Helseregion Vest

Besøksadresse:

Haukelandsbakken 2

Postadresse:

Kompetansesenter i lindrande behandling Helseregion Vest,
Helse Bergen,
Haukeland universitetssjukehus,
postboks 1400, 5021 Bergen

Telefon: 55 97 58 24

Faks: 55 97 58 25

e-post: lindrende.behandling@helse-bergen.no

Våre tilsette:

Dagny Faksvåg Haugen, seksjonsoverlege, professor
Ann-Kristin Øren, undervisningssjukepleiar
Grethe Skorpen Iversen, nettverkskoordinator
Marit Irene Tuen Hansen, forskingssjukepleiar
Rae F. Bell, overlege
Aud Myhre, sekretær
Unni Jones, sekretær
Øyvind I. Rød, studiesjukepleiar

Regionale medarbeidrarar i deltidsstilling:

Kristin Vassbotn Guldhav, kreftsjukepleiar, Palliativt team, Helse Førde
Marthe Hauge Aase, kreftsjukepleiar, Pall.team, Helse Førde, frå juni –17
Marit Eikemo Halsnes, sjukepleiar, Fjaler kommune
Katrín Sigurdardóttir, overlege, Sunniva senter, Haraldsplass Diakonale Sykehús (HDS)
Sebastian von Hofacker, overlege, Sunniva senter, HDS
Margrete Einen, farmasøyt, Sjukehusapoteket i Bergen
Synnøve Glesnes, ergoterapeut, Kreftavdelinga, Haukeland universitetssjukehus (HUS)
Mona Grindheim, kreftsjukepleiar, Palliativt team, HUS
Grete Skeie Sørhus, kreftsjukepleiar, Vindafjord kommune
Laila Johannessen, kreftsjukepleiar, Palliativt team, Helse Fonna
Anne Lise Eidem Johannessen, kreftsjukepleiar, Pall. team, Helse Fonna
Janet Bakken, fagsjukepleiar, Palliativt senter, Stavanger universitetssjukehus (SUS)
Margunn Byberg, Lindrende enhet, Sola sjukeheim
Hartwig Kørner, overlege, professor, Gastrokirurgisk avd., SUS

www.helse-bergen.no/palliasjon

www.pallreg.no

Kva kan vi brukast til?

- Oversikt over kva som skjer innan palliasjon i Helseregion Vest
- Informasjon om aktuelle institusjonar og tiltak i regionen
- Bistand til planarbeid
- Oversikt over kurs og utdanningstilbod i lindrande behandling
- Hjelp til planlegging av lokale kurs og samlingar
- Informasjon om aktuelle forskings- og fagutviklingsprosjekt
- Informasjon om lindrande behandling nasjonalt og internasjonalt
- Kontaktar i Helseregion Vest, nasjonalt og internasjonalt



Framside: Markering av World Hospice and Palliative Care Day 2016 på Haukeland universitetssjukehus